

Josepho ab Hommer,

NEOCONSECRATO EPISCOPO TREVIRENSI,

Belgæ Vicini.



Josepho ab Hommer,

NEOCONSEGRATO EPISCOPO TREVIRENSI,

Belgæ Vicini.



RELIGIONIS VATICINIUM.

Nata sum cœli, superis ab auris
De thronis ad Te venio paternis,
Cum gregis votis mea, amate Fili,
Percipe vota.

Sunt mihi proles pietas, amorque;
Me salus semper populi secuta;
Hos agros sub Te repetant: vocetur
Terra beata.

Hic erunt sedes, moror hic, mea~~que~~
Arboris rami recreent Mosellam ;
Gaudeant oris vada quæ propinqua
Cœrula Rhœni,

Orbis applaudat sibi Trevirensis ;
Quis meus splendor, mea quæ potestas ,
Treviri cari videant : Supremi
Hæcce voluntas,

Hæcce doctrinæ redeant in arva
Sub Tuo tutæ lituo — fugatæ
Heu nimis quondam — mihi Tu creabis
Lumina gentis.

Viribus gaude : juvenilis ætas
Fugit, at restat juvenile robur ;
Ne tremas, nam me fragiles juvante
Mira patrabant.

Ha ! viam cœptam benè persequaris :
Atra tempestas furiosa navem
Jactitat ponto, tonitruque rancum
Fulmina densat.

Quæ crucis pugnæ Tibi dicat hostis ;
Orbis ostendat mea quæ trophæa ;
Quis vigor semper fuerit meorum
Sæcula dicant.

In meas aras acuit sæcures
Occidens vastans , oriensque : terra
Immadet , fumat rubeum fluentis
Sanguinis æquor.

Porta quid bacchans valet inferorum
In meas ædes ? Mea lux coruscat
Per globi vasti spatium : nitebat
Omnibus ævis.

Dimovet montes mihi qui fidelis ;
Quæque non reges potuere mille ,
Hæc ego fici : loquor , atque mundus
Jussa veretur.

Ecce confidas , ego dono vires ;
Quem geris fascis gravis ac tremendus :
Termino tandem stadii manebunt
Splendida dona.

Des diu pastus ovibus salutis !
Vive solamen misero indigenti !
Vive adhuc, cleri pater et voluptas ,
Pluribus annis !

Vive sanctorum studiorum amator !
Inseras lauros, Tibi sempiternas ;
Et triumphator Tibi destinatam
Tolle coronam !

Idib. Jun. 1823.

J. M. KLEYR.